

## REES, DAVID (1818 - 1904), 'Dr. Rees, Bronnant,' pregethwr 'hynod' gyda'r Methodistiaid yn Sir Aberteifi

**Enw:** David Rees  
**Dyddiad geni:** 1818  
**Dyddiad marw:** 1904  
**Priod:** Anne Rees (née Rees)  
**Rhiant:** Mary Rees  
**Rhiant:** Daniel Rees  
**Rhyw:** Gwryw  
**Galwedigaeth:** pregethwr 'hynod' gyda'r Methodistiaid  
**Maes gweithgaredd:** Crefydd  
**Awdur:** William Llewelyn Davies

Ganwyd 4 Mehefin 1818 yn Blaentrosol, Capel Drindod, plwyf Llandyfriog, Sir Aberteifi, mab Daniel Rees, crydd, a Mary (neu Malen) ei wraig. Dygwyd y mab i fyny'n grydd. Dechreuodd bregethu ar 21 Ebrill 1846 ac yna aeth i ysgol yng Nghastellnewydd Emlyn am dair blynedd. Yn 1857 symudodd i Lanilar i fyw, ac wedi iddo briodi Anne Rees, Pentredu, 6 Ionawr 1860, aeth i fyw i Bronnant, lle y treuliodd weddill ei oes, ar wahân i'w deithiau pregethwrol i wahanol fannau yng Nghymru ac i Lundain; darlithiai lawer hefyd. Daeth yn bur adnabyddus fel pregethwr oherwydd odrwydd ei ddull a'i ymadroddion, ac i fesur helaeth oherwydd y 'graddau,' Ll.B. a Litt.D., a gafodd (1891) mewn rhyw fodd na chafwyd hyd yn hyn esboniad cyflawn arno, o rywle yn Unol Daleithiau America. O'r 'New York Druidic Banchorrion' y cafwyd y 'teitlau' hyn, yn ôl *Cofiant* y 'Dr.' Rees gan J. M. Griffiths. Ysgrifennodd rai llyfrau - gweler y *Cofiant* - ac yr oedd iddo ddiddordeb mewn hynafiaethau a chasglu llyfrau. Bu farw 9 Rhagfyr 1904.

### Awdur

Syr William Llewelyn Davies, (1887 - 1952)

### Ffynonellau

J. M. Griffiths, *Cofiant a dywediadau y diweddar Barch. David Rees, Ll.B., Litt.D., Bronnant* (Dolgellau 1910)

John Evans, *Yr ail fyr-gofiant: sef hanes 19 o weinidogion Sir Aberteifi a fuont feirw oddiar ddiwedd 1894 hyd ddiwedd 1907* (Dolgellau 1908)

*The Welsh Gazette*, 22 Rhagfyr 1904

### Dolenni Ychwanegol

Wikidata: [Q28361368](https://www.wikidata.org/wiki/Q28361368)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

